

Artigo 2º. Concédese o paso á situación de retirado, co mesmo soldo que gocen actualmente no seu emprego, e calquera que sexan os seus anos de servizos, a todos os Xefes, Oficiais e asimilados, así en situación de actividade como na de reserva retribuída das distintas Armas e Corpos do Exército [...], que o soliciten do Ministerio da Guerra dentro do prazo sinalado.

Doc. 2. Informe sobre as *Misións Pedagóxicas*:

“A Misión desenvolve o seu programa en forma de reunións culturais públicas na escola, noutra sala ou na praza e a horas compatibles co traballo local, nunha ou varias sesións diarias, desenvolvendo en charlas sinxelas amplos temas de interese xeral humano, [...] audicións musicais comentadas, e conferencias e conversacións sobre educación cidadá, desenvoltas á marxe de toda intención partidista, nun plano de limpeza, co fin primordial de difundir ideas acerca da cultura política actual, o espírito da República e o coñecemento da Constitución. Paralelamente a esta actuación cultural, a Misión cumpre outra finalidade estritamente pedagóxica: visita as escolas, desenvolve cos nenos leccións, cantos, xogos, excursións, en colaboración cos mestres”.

Doc. 3. Balance da reforma agraria segundo o enxeñeiro agrónomo Pascual Carrión, un dos seus promotores:

“Ata o 31 de decembro de 1933, é dicir, quince meses despois de ser promulgada a *Lei de Reforma Agraria*, só se ocuparon 24.203 hectáreas nas que se asentaron 2.500 campesiños, cantidade como vemos insignificante á beira dos plans que propuxo a comisión técnica de asentar de 60.000 a 75.000 campesiños anualmente que, nos dous anos transcorridos desde a presentación do proxecto, debían colocar polo menos 150.000 campesiños. [...] Como vemos, o labor realizado foi moi modesto e nin sequera se ocupou gran parte das leiras dos grandes de España, que sumaban 562.528 hectáreas”.

PREGUNTA 4. ELABORE UNHA COMPOSICIÓN HISTÓRICA A PARTIR DOS TEXTOS PROPOSTOS.

Os seguintes textos deben permitirlle facer unha redacción sobre a **consolidación da democracia**. Tendo en conta os documentos e o seu contexto, debe atender cando menos ás causas do golpe de estado do 23-F, os factores que favoreceron a chegada dos socialistas ao goberno e os efectos do Tratado de Adhesión á Comunidade Económica Europea. (5 puntos)

Doc. 1. Bando de Milans do Bosch, declarando o estado de excepción na III Rexión militar, 23 febreiro de 1981:

“Ante os acontecementos que se están desenvolvendo nestes momentos na Capital de España e conseguinte baleiro de poder, é o meu deber garantir a orde na Rexión do meu mando en tanto se reciban as correspondentes instrucións que dite S.M. o Rei. En consecuencia DISPOÑO

Artigo 1º. Todo o persoal afecto aos Servizos Públicos de interese civil queda militarizado

Artigo 2º. Prohíbese o contacto coas Unidades Armadas por parte da poboación civil. As ditas unidades repelerán sen intimidación nin aviso previo todas as agresións que poidan sufrir, coa máxima enerxía”.

Doc. 2. Principais resultados das eleccións de 1982:

Partidos	Votos	% votos	escanos
Partido Socialista Obreiro Español	9.836.579	46,07	202
Alianza Popular	5.412.401	25,35	106
Unión de Centro Democrático	1.549.447	7,26	12
Convergència i Unió	794.554	3,73	12
Partido Comunista de España	824.978	3,87	4

Doc. 3. Acta das condicións de adhesión do reino de España á CEE, BOE 1 de xaneiro de 1986:

“Artigo 2. Desde o momento da adhesión, as disposicións dos Tratados orixinarios e os actos adoptados polas institucións das Comunidades antes da adhesión obrigarán aos novos estados membros.

Artículo 3. Os novos Estados membros adhírense, por medio da presente Acta, ás decisións e acordos adoptados polos representantes dos Gobernos dos Estados membros reunidos no seo do Consello.

Artigo 4. Os acordos ou convenios subscritos por unha das Comunidades cun ou varios terceiros Estados, unha organización internacional ou un nacional dun terceiro Estado serán vinculantes para os novos Estados membros”.